

europapress / país vasco / euskera

# Euskal Herriko zazpi sagardo, munduko 100 onenen artean

**Bilbao** Merkataritzan ere Euskaraz



Actualizado 2018/10/4 18:06:27 CET

HARITZ RODRÍGUEZ / SAGARDOAREN LURRALDEA

## BILBO, 4 (EUROPA PRESS)

Euskal Herrian ekoiztutako zazpi sagardo aukeratu ditu Susanna Forbes kazetari eta idazle britaniarrak bere "The Cider Insider. The essential guide to 100 craft ciders to drink now" libururako. Liburua, Sagardoaren Lurraldeak antolatutako Sagardoaren Kultura eta Turismoaren I. Topaketaren testuinguruan aurkeztu zen Astigarragan (Gipuzkoa), eta aurkezpenean liburuan aipatzen diren sagardo batzuk dastatzeko aukera izan zen, Sagardoaren Lurraldea elkarteak jakinarazi duenez.

Susanna Forbes ardoa, garagardoa eta sagardoan berezituriko kazetaria eta idazlea da. Jatorriz, Ingalaterra osoan sagardo usadio handiena duen Herefordshire eskualdekoa da eta "Little Pomona" izeneko sagardotegia martxan jarri berri du. Orain, Ingalaterra, Gales, Britainia, Normandia, Alemania, Italia, Australia, Lanada, Zeelanda Berria, Hegoafrika, Asturias, Galizia eta Euskal Herriko 100 sagardo artisauro

gomendatzen dituen liburua argitaratu berri du.

Liburuan nabarmentzen diren sagardoaren artean Euskal Herriko zazpi agertzen dira: Zelaia Gorenak Sagardoa 2017 (Hernani), Zapiango Euskal Sagardoa Premium 2017 (Astigarraga), Isastegiko Euskal Sagardoa 2017 (Tolosa), Gartziategiko Gorenak Sagardoa 2017 (Astigarraga), Gaztañagako Gorenak Sagardoa 2017 (Andoain), Bereziartuako Euskal Sagardoa 2017 (Astigarraga) eta Bordattoko Txalaparta 2016 (Jatsu-Garazi, Nafarroa Beherea).

Sei urtetan zehar gauzatu duen ikerketan, Forbes-ek sagardoa ekoizten duten mundu osoko lurralde nagusiak zeharkatu ditu. 2018ko martxoan bere ikerketak Euskal Herrira ekarri zuen eta bertan, Sagardoaren Lurraldea elkarteko nazioarteko harremanen arduradun Haritz Rodriguez kazetariarekin batera, bertako sagardotegi adierazgarrienetakoak ezagutu zituen.

Ordurako sagardoaren inguruko erreferentziak bazituen arren, Forbes-ek sagardotegi batzuk bisitatu eta sagardoak dastatzeko aukera izan zuen, euskal sagardoaren kulturaren barneratuz eta txotx-aren errituaz gozatuz. Bere bisitaren emaitza, aipatutako Euskal Herriko zazpi sagardo nabarmentzeaz gain, Euskal Herriko sagardoaren kultura, ezaugarri eta Astigarragan dagoen Sagardoetxea Sagardoaren Museoaren inguruan egiten duen erreferentzia zabala da.

## NAZIOARTEKO SAREA

"The Cider Insider" liburua Astigarragako Iretza sagardotegian aurkeztu zen, irailaren 28tik 30era bitartean ospatutako Sagardoaren Kultura eta Turismoaren I. Topaketaren baitan. Ingalaterra, Gales, Alemania, Asturias, Galizia, Britainia, Austria, Irlanda, Norvegia eta Euskal Herriko ordezkariak bildu ziren bertan. Zorione Etxezarraga Astigarragako alkatea, Harkaitz Millan Basquetor turismoaren euskal agentziako zuzendaria eta Maite Cruzado Gipuzkoako Aldundiko Turismo zuzendaria ere aurkezpen ekitaldian izan ziren.

Sagardoaren kultura eta turismoa munduan sustatzeko nazioarteko sarea martxan jartzea adostu zuten topaketara gerturatutako ordezkariak. Hala, datozen hiletan, marka amankomuna eta sarean parte hartzen duten norakoen informazioa bilduko duen webgunea martxan jarriko dira, eta proiektua indartzen lagunduko duten europar finantziatorako aukerak aztertuko dira.

Hernaniko Orona Fundazioan gauzatutako lan bilerez gain, nazioarteko ordezkariak Iretza sagardotegian ospatu zen afari tematikoaz gozatzeko aukera izan zuten, bertako produktuak eta nazioarteko sagardoak dastatzuz; Euskal Sagardoaren "Egin Totz!" kanpainan parte hartu zuten Astigarragako tabernetan; Donostia bisitatu zuten bertako pintxoak Euskal Sagardoaz lagunduta dastatzeko; Zelaia eta Alorrenea sagardotegiak bisitatu zituzten; eta Sagardoetxea eta Albaola museoetako bisitaldietan sagardoak XVI. mendean Ternuara egindako itsas bidaietan izan zuen garrantzia ezagutu zuten. Topaketaren amaiera gisa, irailaren 30ean Astigarragan ospatu zen Sagar Uzta jaietan izan ziren.



### Paladar de Maestro Cerveceros: ¿lo tienes?

Te gusta la cerveza. Disfrutas con ese dedo de crema perfectamente tirado, con ese punto deliciosamente amargo mientras te baja por la...



**EUSKO JAURLARITZA**  
**GOBIERNO VASCO**

KULTURA ETA HIZKUNTZA  
POLITIKA SAILA

DEPARTAMENTO DE CULTURA  
Y POLÍTICA LINGÜÍSTICA

## Lo más leído

Euskera

europa press

- 1 Poesia, saiakera eta ipuin lehiaketetako sariak banatu ditu Bilboko Udalak
- 2 Euskotrenek Durangoko Azokarako zerbitzu bereziak eskainiko ditu
- 3 Industria jarduera %1,9 gehitu zen urrian EAEn, 2017aren aldean
- 4 Zupiriak dio "220.000 arrazoi berri" daudela euskarari bultzada bat emateko
- 5 EAEn 916 langabe gutxiago izan dira azaroan eta guztira 121.499 daude

Hoy | Una semana | Un mes

La actualidad más visitada en europa press

Las madres y padres con hijos nacidos en 2014 y 2015 ya pueden pedir la devolución del IRPF

Este es el programa electoral de VOX para las elecciones andaluzas 2018

Amaia reconoce que no está viviendo una situación fácil tras su ruptura con Alfred

---

ÚLTIMAS NOTICIAS

ESPAÑA

INTERNACIONAL

DEPORTES

VÍDEOS

Portal de actualidad y noticias de la Agencia Europa Press.



SOCIEDAD

CIENCIAPLUS

PORTALTIC

MILOJOS.ES

EPSOCIAL

CHANCE

CULTURAOCIO

DESCONECTA

EPDATA.ES

INFOSALUS

MOTOR

TURISMO

NOTIMÉRICA

SÍGUENOS



[Contacto](#)

[Aviso legal](#)

[Catálogo](#)

[Política de Cookies](#)

[Política de Privacidad](#)

[Mapa Web](#)

© 2018 Europa Press. Está expresamente prohibida la redistribución y la redifusión de todo o parte de los contenidos de esta web sin su previo y expreso consentimiento.